

商水縣志卷二十二

列女志二

節婦

監生李鍾瑛妻胡氏夙嫻禮義二十七歲夫故孝事翁姑教子維先不事姑息平生言行不苟處娣姒族鄰有德惠夫昆弟五人析居氏推讓肥美無少爭及子婦入門教以禮義閨門嚴肅晚年家道振興子孫滿前壽七十餘鄉里賢之

李士振妻王氏于歸時翁姑已歿事伯姑克執婦道中饋事爲娣姒先數載士振歿二男一女皆幼氏苦節是守教子讀書長森早入庠次彭亦克家女適名門乾隆五年學憲潘元敏以守貞教子旌其門

李傑妻高氏年十九于歸二十三而寡孝奉翁姑和睦娣姒始終

商水縣志

卷二十二 列女志

一

無間年七十八而卒乾隆四十二年河南學院旌以德徵鶴算匾額

李某繼室趙氏年十八于歸二年夫故撫前室子有恩家貧躬親井臼有勸改嫁者氏厲聲曰人無二天可二夫乎况孤雁不羣人苟失節視鳥不如矣後子長家道小康乾隆二十九年河南學政盧旌其門曰貞慈並著

高永清妻苗氏年二十于歸結縵十載夫故二子百齡甫三歲百里在襁褓翁姑年邁氏事親教子備極勞瘁翁姑相繼棄養經營喪葬盡禮盡哀訓教二子成立壽八十餘已旌

王純儒妻馮氏年二十二于歸結縵七載夫故無子以夫姪大林爲嗣氏本儒家女事翁姑克執婦道翁姑多病侍奉湯藥二十餘年無怠容翁姑歿喪葬如禮哀痛迫切幾廢寢食夫兄嫂貧

老無依奉養無缺戚黨無不賢之已旌

張惠科妻聞氏聞庭蘭女年二十一于歸越五載夫故一子在襁褓家甚貧事翁姑備具甘旨教子成立翁姑歿竭力營葬里閭皆稱其孝已旌

許成麟妻趙氏淮甯趙崑玉女年二十于歸結縵八載夫故無子家徒四壁資紡績以供菽水持身端謹平日不輕出戶撫夫姪承嗣翁姑歿竭力營葬勤儉所積家道漸裕孫士元補增廣生氏享大年已旌

庠生孟生泰妻張氏張永春次女年二十一于歸結縵六載夫故子景善尙幼惟孀姑在堂家復貧資鍼黹爲養教子讀書艱苦備嘗景善奮志於學補邑增廣生氏年七十三請旌

趙永興妻王氏王成玠女年十七于歸結縵五載夫故孝事翁姑

商水縣志

卷二十一 列女志

二

井曰親操資紡績以供菽水翁姑歿竭力營葬里人咸推其德已旌

支發林妻馬氏西華馬長春女年十七于歸性溫和持家勤儉得堂上歡越八載夫故無子勵志苦守夫弟皆幼穉家甚貧氏晝夜織紉以供菽水歲歉自食糠粃而翁姑之供膳無缺翁姑歿氏典質營葬教夫諸弟各務正業撫夫姪德魁爲嗣年六十四請旌

庠生柴蔚東妻王氏王來祥女年十七于歸夫故氏年二十七三子俱幼孀姑竭力奉事恩勤教子姑歿氏痛絕復甦殯葬如禮教子有成長子嵩峯娶王氏監生王廷贊女越三載嵩峯歿無子姑媳苦孀每相對而泣姑哭子傷明媳恪恭侍奉朝夕不離十餘年無怠容親族稱爲雙節純孝已旌

雙節

時大振妻王氏年十九于歸翁姑先逝惟祖姑在堂越八載夫故
子方冲幼家復貧困氏義命自安仰事俯育手足胼胝不恤也
及子成立氏操勞已極子又少亡氏撫穉孫零丁孤苦鄰里咸
矜恤之

許名殿妻張氏張良柱女年十九于歸翁姑俱年邁家計艱難夫
出外營生氏紡績以供朝夕越八年夫故子尙幼弱氏養老撫
孤拮据萬狀翁姑歿竭力營葬哭泣之哀聞者亦爲流涕卒能
撫子成立完節已歿已旌

王如蘭妻陳氏陳永壽女年十九于歸事翁姑維謹越十載夫故
未幾翁歿姑媳相依爲命家又貧資十指以供薪水事姑以天
年終可謂苦節純孝矣已旌

趙名儒妻康氏淮甯康得珠女素嫻禮儀年十八于歸事翁姑能

商水縣志

卷二十一 列女志

三

得歡心夫歿氏年二十八子甫三歲姑卧病三載侍奉湯藥無
稍懈翁歿竭力營葬教子成立已旌

支振聲妻王氏監生王朝相女年十九于歸孝事翁姑持家勤儉
得堂上歡夫歿氏年二十八子培光甫三歲翁姑皆抱病氏奉
湯藥幾二十年無倦容及歿經營殯葬哀痛踰禮教子成立已
請旌表

支振翼妻李氏幼失怙恃年十九于歸六載夫故子二長五齡次
在襁褓夫鮮兄弟翁姑衰邁仰事俯育皆氏一身嘉慶十八年
天饑氏自啜粗糲而翁姑甘旨無缺翁姑病奉湯藥扶步履晝
夜不懈如是二年及歿殯葬如禮教子象賢理農業精一就讀
入邑庠年五十七請旌表

朱宏志妻王氏年十八于歸越四載宏志歿矢志守節孝翁姑養

葬盡禮撫六月孤成立壽七十九縣以匾旌之

查

劉澤周妻賈氏上蔡賈永祥女幼嫻母教年十七于歸越八載夫故痛不欲生念姑年踰八旬勉力扶侍朝夕罔懈及歿葬如禮氏年五十四請旌表

何逢如妻張氏張可年女年十八于歸孝事翁姑越四載夫故家無恒產勤十指以供菽水翁姑歿經營殯葬盡哀盡禮親族咸重其節氏年五十二請旌

谷士芳妻李氏淮甯庠生李清彥女幼嫻禮教年十七于歸孝事翁姑親族無間言越十載夫故子二長甫三齡次僅數月氏忍死守節仰事俯育歷十餘年翁姑歿竭力營葬教子成立二子亦相友愛親友以節孝請旌

李大德妻魏氏魏大年女賢孝性成年十五于歸事翁姑相夫子

商水縣志

卷二十一 列女志

四

克盡孝敬未幾姑病歿翁及夫亦相繼卒氏年二十五夫無兄弟又無子嗣氏含悲忍淚力葬三喪以夫族姪林爲嗣教養成立氏年六十請旌

邱登五妻党氏党八範女性行貞淑年十九于歸惟衰翁在堂克執婦道夫故氏年二十九遺孤僅三齡氏忍死守節翁壽八十四竭力營葬子娶井氏甫二載子又亡遺孫甫七月氏與媳冰霜共勵撫成人一門雙節人共稱之已旌

李文熙妻鄭氏淮甯鄭克文女年二十于歸結縈九載夫故無子氏持家勤儉孝事孀姑和睦妯娌夫姪梯方在襁褓氏撫爲嗣恩勤撫養如已出及長延師教讀皆資紡績之力梯入膠庠氏卒年七十九已旌

李登殿妻劉氏劉延榮女年二十一于歸事翁姑能得歡心夫歿

氏年二十九一子尚幼氏上事下撫交盡其力翁姑歿殯葬如禮子已成立氏壽八十七已旌

周彭年妻王氏王祥生女年十九于歸事翁姑克執婦道持家以儉相夫以禮越二載翁與夫相繼歿一子在襁褓夫弟皆幼穉家復貧氏俯育資織紉以佐衣食之需姑患癱氏奉湯藥扶持步履三年無懈志姑歿喪葬如禮羣季與子俱成立氏享年七十六已旌

牛成章妻朱氏淮甯朱鴻圖女年十七于歸克修婦道事重闈無缺禮夫故氏年二十一子發林幼弱未幾祖翁姑及翁姑相繼歿經營喪葬備極勞瘁操持家務三十餘年發林名列武庠氏享年六十九已旌

庠生李同芳妻韓氏項城韓純一女幼嫻禮法年十七于歸克執

商水縣志

卷二十一 列女志

五

婦道未幾翁卒侍奉孀姑親操井臼以勤讀勗同芳旋入邑庠同芳病歿氏年二十七三子俱幼姑已七旬仰事俯育孝慈兼摯三子各成立書庫國學生氏享年六十四已旌

趙寶玉妻王氏武生王銑女年二十二于歸越七載夫故子三歲翁姑皆七旬又遭歲荒氏食糝衣絮益勵節操堂上菽水承歡翁姑有疾氏服事湯藥躩蹠榻前衣不解帶以爲常及歿一切殮具務求美備夙夜操勞喪葬如禮教子耕讀家業漸興猶能忘勞苦賢孝之聲洋溢閭里年七十有四以壽終闔學公舉旌表節孝

廩貢胡存三繼室李氏年二十于歸二載夫故氏撫前子恩若已出里人賢之壽六十餘而卒

祝文貴妻傅氏傅伯順女素嫻禮教年十七于歸夫故氏年二十

九遺一子氏上奉翁姑能得其心下教弱子能盡其道享年四十七已旌

時正妻康氏年十九于歸結縭六載正病歿遺孤鳳魁家極貧賴紡績以奉翁姑教子成立入庠乾隆五十五年貢生鄧伯元等公舉節孝

候選州同李銘繼室劉氏沈邱貢生劉堯峯女雍正七年年二十歸銘銘故氏年二十六守節至嘉慶元年壽八十七道光十三年旌表

李任重妻王氏年三十任重歿一子大壯方數齡氏事孀姑撫弱媳孝慈兼盡子稍長聘劉名敬女童養於家大壯年十三而亡女年十五父欲再爲擇配女怒形於辭色不歸寧者十餘年三世孤孀相依爲命商之族衆以族孫天福爲大壯嗣娶單氏生

商水縣志

卷二十一 列女志

六

子一未彌月而單氏歿劉含哺以養幸而成立嘉慶十七年旌表

李具慶繼室楊氏年二十八夫故撫前房子象繩恩情周至媳張氏不賢數無禮於氏氏不與較慈愛有加不言媳過冀默爲感化後不堪其虐自經死嘉慶五年王宗師奏請節孝以苦節能貞榜其門

李維經妻袁氏袁培基女二十二歲于歸越五年夫故子蠢公甫二歲氏勵志冰霜孝事翁姑頗得歡心翁松峯嘗太息曰兒婦孝幾忘兒亡矣教子讀書言動必以禮嘗曰爾祖性嗜詩書爾父早沒汝不能顯揚之奕世後誰復知有爾祖者所有遺稿爾善藏之道光十一年欽旌節孝學憲吳以節勵飲冰表其門壽七十餘卒

監生何廷槐妻王氏十七歲夫故無子事翁姑生養死葬人無間
言夫弟建標年最少氏撫字如子讀書貢成均待諸姪處娣姒
恩義周至年六十四卒以夫胞姪熙宸嗣道光十五年布政使
栗毓美奏請旌表

張瑄妻段氏年十九于歸二十二夫故善事翁姑及翁姑歿殯葬
猶拮据道光十六年學憲吳以節孝可風旌其門壽七十餘卒
党欽若妻李氏年十九于歸數年夫故無出孝事舅姑舅姑有疾
侍奉湯藥無稍怠姑病篤焚香跪祝割股以奉姑病尋愈里人
欽之公贈匾以獎其孝舅姑歿盡哀盡禮孀嫗四十餘年六十
三卒以姪振山爲嗣道光十九年知縣張旌曰節孝雙高
許德中妻王氏生一子二女夫故氏年二十八撫養子女成立守
節四十年壽七十卒

商水縣志

卷二十一

列女志

七

胡萬江妻王氏生子存咸數歲值捻匪犯周口萬江因驚致疾未
幾歿氏年二十七逾年亦故光緒間邑諸生呈請學憲賞給匾
額以旌其門

郡廩生王璐妻祁氏庠生祁援女二十三歲夫故遺子士遜方二
齡氏飲血鏤心義方訓迪遜入庠遜子威復爲淮甯庠生氏年
踰八旬老而彌健學使張旌曰貞壽昌後

孫尚忠妻張氏張映庚女年十七于歸二十歲夫故子女均無翁
姑病氏割臂肉和藥以進病遂愈未幾翁姑相繼卒殮葬後氏
無所依憂鬱成疾死請旌節孝

胡裕華妻孔氏孔憲朗女年二十四夫故善事翁姑以夫從姪惟
仁嗣六十一卒

李清峯妻顧氏二十九歲夫故一女孝敬翁姑厚待姪輩六十七

卒

王驢妻某氏年十九于歸一載夫歿家貧矢志守節八十餘卒

李鍾彩妻張氏年二十四生一子夫故恩育諸叔以分姑勞諸叔與姑甚敬愛之一子維廉撫養成人張壽七十歲卒夫弟鍾賢娶李氏生二女鍾賢歿李年二十八歸依母家清潔自守爲女擇配卒年四十九

時廣見妻王氏年二十餘夫故家貧一子萬善教養成人壽八十餘卒

李鏞妻郭氏郭文煥長女于歸五年夫故子女俱無翁姑衰老多病氏奉湯藥克盡孝道姑病篤氏衣不解帶百餘日焚香告天願減已壽以益二老未幾翁姑相繼歿家貧無人承嗣殯葬皆氏操勞年三十九卒

商水縣志

卷二十一

列女志

八

胡玉華妻王氏王鳳舞女年二十七夫故子女俱無以夫姪惟忠嗣家道甚寒氏工鍼黹勤女紅資以養翁姑處娣姒和撫姪女有恩年四十八卒

李鏗妻宋氏宋學易女于歸三載夫故無子矢志苦守孝翁姑和娣姒日夜織紡以爲生計惜家寒無人承嗣

李炳炎妻李氏咸豐間捻匪犯周口炎拒戰罵賊死李苦守清節教子可鰲成立光緒丁未呈請旌表奉旨入節孝祠

李沆妻施氏年十九于歸生二子果蕢果舒未幾夫歿施苦度守節果蕢成室後旋亡撫孫景泰成立壽八旬光緒丁未元孫介祐以拔貢赴廷試呈請旌表奉旨入節孝祠

副將李慶雲側室谷氏母家皖人讀書通文義咸豐間皖亂作家
人攜逃周口貧無衣食慶雲納焉谷明嫡庶分舉動弗敢自專

嫡故主家政豐儉得宜待子姪寬而有制慶雲卒谷年未三十不出戶庭日以課孫爲事曾孫士夔入邑庠得力於谷教爲多壽六十二葬以嫡禮封宜人

李維清妻劉氏年二十夫故無子以夫姪云公爲嗣劉性慈善好義附近橋梁廟宇及修褚沙兩河堤各有捐貲守節數十年以終

李嘉武繼室王氏年二十餘嘉武卒王苦節自勵以夫弟嘉善子爲嗣壽八十而終

李蔭榮妻于氏母家淮甯籍歸李生子世昌蔭榮病歿氏年二十八奉事翁姑尤謹翁姑卒哀毀盡禮撫子世昌成立請准旌表呂萬祥繼室陳氏西華陳文化女于歸一載萬祥以生意虧累投水死陳痛夫非命不欲生家人勸解乃免撫前室子女有恩用

商水縣志

卷二十一 列女志

九

度依賴母家尋以積勞成疾卒里人賢之

監生李讜妻劉氏淮陽劉寅生女性淑慎事翁姑孝生子女各一夫歿劉年二十餘痛欲俱死翁姑勸止之清節自勵教子延賓入邑庠女嫁名門壽七十二卒光緒丁未呈請旌表奉旨入節孝祠

李可鯨妻王氏可鯨二十病故氏苦守清節事翁姑維謹翁姑卒葬以禮里人莫不稱其孝而重其節

監生李善鳴妻趙氏趙儒林女年二十餘善鳴歿趙哀痛欲死夫弟和鳴玉鳴勸慰乃免守節以終以玉鳴長子蔭槐爲嗣光緒間請旌蔭槐繼室胡氏早寡居城宅督女紅勤紡織經年不出

戶庭里人賢之節 雙

庠生許體康妻李氏年二十九夫故子性存幼忍痛撫孤越數年

李亦卒性存僅十歲能自立焉

增生李廷廊妻齊氏少讀書知大義廷廊歿齊年二十三無子以夫胞姪可品爲嗣守節十餘載年四十七卒光緒二十九年請旌奉旨入節孝祠

監生陳秉禮妻李氏年十九適秉禮端莊勤儉治家有法越六載夫病故欲身殉以子文範幼孤不果撫養成人教以義方文範善承母訓入邑庠守節四十二年以終

康學廉繼室劉氏年十八于歸三十而寡家貧三子無以爲養寄居鄰家及古寺乞食爲生終無他志三子成立始得聚首氏以苦節終

黃有鄰妻朱氏于歸年餘夫故家貧一子氏苦守撫孤就食母家後爲子成室旣壯方歸年八十餘卒

商水縣志

卷二十一 列女志

十

胡水妻石氏早寡子四姑衰家貧不能自給光緒三年大饑石乞討於外擇稍精者奉姑以粗糲食其子必有餘而後自食千辛萬苦撫養四子成立子念母勞苦勤力苦作家道小康氏以節終

陳媽呼妻李氏年十九于歸年餘夫故事翁姑朝夕罔怠飲食不給賴鍼黹以補助之翁姑歿悲不自勝竭力殮葬壽七十三陳培龍妻王氏年二十夫歿立志守節姑早亡勸翁再娶事繼姑曲盡婦道勞操家政未幾夫弟套生越二載翁與繼姑俱歿氏撫養夫弟成人恩擬慈母年七十二以壽終

張鳳林妻毛氏年二十于歸生子泰雨未幾鳳林歿毛勵志苦守教泰雨讀書入庠里人稱其賢壽七十餘卒

張川妻胡氏胡萬書女年二十于歸越五載夫故無子堅守苦節

孝事翁姑翁姑歿殯葬如禮壽七十三

康體仁妻武生胡存誠女年二十九夫故一子振經方數歲家貧紡織以事翁姑歿葬以禮子未婚亦天壽七十

趙循妻李氏咸豐六年夫故氏年二十八守節不渝年七十八請旌

從九品張紳妻邵氏咸豐四年于歸氏年十九同治二年夫故氏年二十八光緒二十九年卒已旌

党鶴齡妻杜氏道光十四年夫故氏年二十歿於咸豐五年年四十一已旌

葉敏瑞妻張氏咸豐九年夫故時氏年二十五歿於光緒十四年年五十四已旌

劉濂妻胡氏胡振乾女咸豐九年于歸時年十九結褵未及半月

商水縣志

卷二十一 列女志

十一

夫故守節四十九年已旌

李正議妻王氏同治四年守節時年二十四至六十六歲請旌
李樹滋妻麻氏同治四年守節時年二十二至六十七歲請旌

葉敬先妻李氏邑歲貢李復泰女年十七于歸子敏信方五歲夫故氏年二十八冰霜自勵事翁姑竭力奉養姑得癱瘓卧牀六年氏親侍湯藥晝夜不離側焚香祈天願以身代姑歿哀痛幾絕喪葬盡禮事翁尤孝咸豐九年三月十五日避亂樹德寨時寨工未竣賊突至翁病氏扶之以逃甫登舟一賊持鎗直刺其翁氏急以身蔽之鎗透氏衣幸得免同治年請旌

郭炳南妻許氏許登彥女咸豐十年于歸時年二十一越七載夫故守節二十一年卒已旌

葉敷華妻畢氏敷華歿氏年二十八五子長含後僅十歲幼尚在

襁褓翁姑皆年邁家道頗裕氏敬慎奉親教子成立次子含全
娶李氏含全病歿李氏年二十七無子以夫長兄次子衛先爲
嗣孝事孀姑和睦妯娌與姑共勵清節李年四十三卒同治六
年邑紳公舉一門雙節

王德慧妻李氏年二十于歸越五載夫故一子文起氏孝事翁姑
翁姑歿竭力營葬撫子成立文起年二十八又亡氏節更苦同
治六年請旌

蘇景廉妻郭氏年十九于歸踰年生子而景廉歿氏年二十一翁
姑衰老不能理家氏矢志靡他內外事皆自經理井井有條翁
姑歿殯葬如禮子芳林年十七娶郭氏入門數月芳林病歿郭
氏年二十賢孝如其姑誓守柏節同治六年請旌

李守綱妻李氏年二十于歸僅四十日夫病歿以夫兄長子棟爲

商水縣志

卷二十一 列女志

十一

嗣上事衰姑克盡婦職姑歿盡禮待嗣子有恩同治六年請旌
葉培先妻魏氏年十八適培先越七年生一子甫六日夫故翁姑
在堂氏忍死守節孝事翁姑撫子敏中成立同治六年請旌
武生李煥亭妻葉氏于歸七月煥亭歿氏年十九無子以夫弟西
亭次子會川爲嗣祖翁姑翁姑皆在堂氏生事死葬各無違禮
生平嚴重自持言笑不苟同治六年氏年七十廩生李化南等
公舉節孝

增貢李國鈺妻劉氏尉氏附貢劉寶德次女進士李擢英之冢婦
也性賢淑于歸三載夫患險證侍奉湯藥目不交睫衣不解帶
年餘夫病危氏焚香禱神願以身代竟不起氏年二十五誓以
身殉以防守嚴志未得遂遺一女尙在襁褓氏痛夫憐女日夜
飲泣因是致疾後十年卒以夫弟子名達嗣由禮部具奏奉旨

旌表建坊入祠

馬如龍妻郭氏郭振東女咸豐十一年于歸時年二十結縭九載夫故守節三十八年已旌

王鳳鳴妻陳氏二十八歲守節七十三歲卒光緒元年旌

武舉李煥章妻李氏二十六歲守節六十六歲卒光緒十六年旌

許裕後妻王氏二十九歲守節八十二歲卒光緒元年旌

李毓英妻劉氏已旌

許景法妻王氏已旌

王仲儒妻田氏已旌

景鳳翔妻趙氏年十九于歸二十四夫故家貧以鍼黹度日撫子惠林成立守節四十餘年七十歲卒

葉世法妻王氏光緒四年夫故氏年二十七年五十三請旌

商水縣志

卷二十一 列女志

十二

王萬義妻王氏十九歲于歸二十一夫故一子旋殤家貧苦守貞操自勵五十六歲卒

李維山妻高氏年二十餘夫故無子以夫姪爲嗣六十餘歲卒

屈九妻某氏年二十二夫故無翁姑子女家貧無以餬口賴紡績

自給年八十餘卒

樂力妻張氏二十六歲夫故子女又殤氏亦旋卒

鄧錫章妻時氏二十餘歲夫故一女以夫姪漢炳嗣年五十餘卒

馬映南妻王氏王正綱女年二十餘夫故子秉重秉山方數歲氏

矢志守節撫孤成立六十餘歲卒

劉堂妻王氏三十歲夫故子二長心次平氏上孝翁姑下撫二子俾各有成年七十八卒

顧元妻楊氏年二十餘夫故僅二女家貧傭於人賴工貲以養衰

姑撫二女成人操勞備至年六十餘卒

王欽章妻柰氏年二十三夫故遺腹生子事繼姑承顏怡志處娣
姒能敬且和子甫成童氏旋卒年三十五

王汝松妻郭氏年三十夫故子金城甫三歲氏撫養成人事翁姑
生養死葬無缺禮七十四歲卒

葉樸妻王氏年二十餘夫故僅一女事繼姑能孝年六十餘卒

李永泰妻杜氏性純孝年十九于歸永泰發憤讀書坐勞致疾二
十二歲歿遺一孤尙志甫週歲兼之家貧姑老氏苦守以織紡
養姑姑性躁每以非禮責氏皆婉顏順受尙志稍長教之讀書
不稍姑息勤女紅以助脩脯資嗣因家貧難支尙志棄儒就商
娶張氏亦賢淑克慰母心既而尙志亦亡婦姑悲痛欲絕幸尙
志遺有二孫婦姑苦守杜氏壽七十餘張氏壽八十餘尙志孫

商水縣志

卷二十一 列女志

十四

玉璽玉寶玉成皆業儒

朱惠楷妻王氏王楹儒女性淑賢十九歲于歸閱年餘夫故無子
氏代夫事雙親孝養備至夫弟惠均尙幼既而翁姑相繼逝氏
喪葬盡禮又爲惠均延師課讀惠均浮躁廢學氏勸戒之成室
後以膂力過人改習騎射入武庠氏性勤儉操持家務井井有
條惠均中年亡僅有一子潤芳承祧兩門氏卒六十有九

王萬和妻馬氏年十七于歸二十一夫故家貧無子苦守年七十
二卒

王右銘妻邱氏年二十餘夫故無子翁姑在堂克執婦道越數年
氏亦卒

蕭路妻朱氏年十九于歸甫一載夫故無子以夫姪紱章嗣夫伯
母在堂氏事之如姑年四十卒

李應善妻黃氏年二十五夫故翁姑早逝教二女有方娣姒和睦
甘苦與共以夫姪法鳴嗣六十歲卒

郭培倫妻史氏孝事孀姑年二十八夫亡子峻嶺方二歲氏忍痛
育孤與姑同寢室姑病侍湯藥不間寒暑焚香祈以身代姑歿
殯葬後率子依母家居焉五十二歲卒

王訓章妻王氏年二十三夫故翁姑年老侍奉維殷夫姪東方生
二歲喪母氏顧復保抱待之如子東方亦視若慈母年五十七
卒

黃鶴樓妻李氏貢生李兆瑛女年十九于歸夫嗜讀咯血氏侍巾
櫛捧湯藥三年不懈夫故哀毀逾常以翁姑年老未敢身殉生
事死葬恪盡婦道五十九歲卒

胡克亮妻崔氏年二十九夫故家貧無出苦志守節夫兄克元夫

商水縣志

卷二十一 列女志

十五

婦早亡遺子裕斌甫三齡撫若已出翁存功累訟羈省崔措寄
資斧無或缺裕斌既長事崔如母家亦小康卒年五十五
庠生何其增妻李氏年十九夫故無子奉事衰姑養葬如禮以夫
弟其陞次子文銓嗣年五十餘卒

王渾妻欒氏欒逢林女年二十七夫故無子以夫姪鐵錘嗣年五
十餘卒

魏鳳騰妻王氏二十歲夫故一女事繼姑如母撫女成人以夫姪
錦碧嗣五十二歲卒

李慈公繼室何氏十九歲于歸二十夫故一子稍長教之甚嚴少
有過卽呵責不貸治家井井有條光緒十九年旌表節孝年五
十四卒

李協麟妻某氏幽閭貞靜適協麟甫十月卽孀家極貧苦守節三

十餘年

馬見龍妻孟氏年二十八夫故子如麟七齡家貧如洗孟紡織度日養老撫幼翁病奉湯藥不懈歿葬以禮人共賢之

劉妮妻胡氏胡亮女于歸三日夫被匪擄越數年姒氏勸改適胡號泣誓不再醮孝事翁姑以紡織供甘旨姒氏失明胡事之維謹及翁姑歿典衣售宅以葬歸依母家清操六十年壽七十八楊得春側室李氏母家淮陽年十九咸豐間逃難遇賊投水被救得不死逼爲娼不從身笞無完膚求死不得春納焉越三載得春歿嫡哭夫失明又患痰證三子一女俱幼衣食拮据皆李任之嫡及長子相繼歿遺長婦羅氏李與羅共撫孤孫葆田成立羅年四十四卒李壽七十四

雙節

張爲德妻王氏王青雲女于歸三月爲德病故氏年二十矢志守

商水縣志

卷二十一 列女志

十六

節姑旋失明事奉益勤親滌穢器夫有二兄夫婦相繼俱亡遺孤三人俱幼氏撫養之各爲成室勤儉持家置田十餘畝

庠生李騰蛟側室穆氏年十七適騰蛟二十五而寡子女均無或諷之嫁氏泣不從乃毀裝飾操井臼以夫兄維先子涓公嗣氏勤紡織撫育諸孫家人愛之礪節五十餘年以壽終

李楠妻李氏年十七于歸一載夫故遺腹生女氏勵志苦守數載亦沒

朱椿齡妻曹氏三十歲夫故二子俱幼勤儉持家教子有方家漸小康母癯獨無依迎養於家十有餘年及歿以禮殯葬益囑子孫歲時祭掃

庠生趙廷颺妻陳氏年二十一于歸咸豐八年九月十九日捻匪破陳灘寨夫被殺氏投河死被救復甦越兩月生子維儉家中

遇難十數人夫昆季四人無存者氏孤苦自勵孝事衰姑恩育弱息拮据萬狀姑又病癱氏焚香籲天願減己壽以益姑終身茹素爲姑請命姑歿另卜新阡啟攢者九皆氏一人經理卒年六十七

李永新妻李氏年十八歸永新敬夫孝姑克執婦道年二十二而寡家甚窘矢志苦守以紡織供旨甘姑歿葬以禮年六十二卒王振東妻祝氏年十八于歸二十一夫故越三月遺腹生女氏孝順翁姑色養備至夫弟婦生一子甫匝月而婦亡氏視如己子顧腹鞠育撫養成立以延夫嗣卒年六十有八

王成然妻何氏十六歲于歸十九夫故翁姑早亡祖翁姑年高生養死葬皆以禮卒年四十三

雷敬樂妻趙氏于歸年餘生一子夫故因翁姑早逝夫兄異居家業委諸夫兄攜子歸母家撫育成立始歸家重整舊業多寡無爭孫作霖入庠氏壽終守節七十餘年

雷玉貴妻王氏王振剛女十七歲于歸二載夫故無子孝事翁姑撫夫弟有恩視姪女輩如親生苦節五十餘年壽七十四

王蘭畹妻王氏年二十一夫故事衰姑克孝撫夫弟蘭蕙延師課讀成名蘭蕙歿遺孤二氏撫之成立辛苦備嘗家道賴以不墜又好濟人終身施藥鄰里德之壽六十九

庠生王守智妻文氏年二十一夫故無子女苦守清節孝敬翁姑勤儉持家尤惜老憐貧人多德之壽六十三

趙氓妻李氏二十四歲夫故子二奉翁姑撫弱息冰霜自勵人無間言氏夙嫻禮義尊師重道教子成名炳蔚補士弟子員彬蔚亦援例納監無何炳蔚又卒彬蔚出嗣夫弟氏教養諸孫成立

日夜操勞鍼黹之餘時與諸孫婦女講德義節烈事閨門嚴肅終年足亦不出戶庭雜劇賽社禁婦女遊觀壽八十四已旌孫某妻劉氏文涼母年二十七夫故矢志守節撫養孤子成立娶謝氏數年文涼又亡謝無出苦守與姑相依爲命一門雙節人爭頌之同治九年學院歐陽公奏准旌表建坊入祠

劉瑞妻郭氏年二十六夫故子女皆無惟姑在堂衰殘多病氏矢志守節事姑甚孝姑歿竭力殯葬孑然一身艱貞益勵卒年六十

王聿修妻趙氏年二十六夫故無出矢志貞潔事翁姑孝夫弟婦某氏病歿遺子善長奇峯俱幼氏撫之如子教養兼至翁姑歿葬以禮卽以奇峯承夫嗣壽七十六

趙羣妻王氏年二十六夫故子僅週歲家貧志堅孝事衰姑撫養

商水縣志

卷二十一 列女志

十八

孤子淒涼孤苦百折不變

劉清源妻路氏二十歲夫故遺一子家甚貧氏苦節是守事翁姑撫孤子孝慈兼盡翁姑逝竭力營葬日用彌艱幼叔方八歲撫養成入子亦婚娶未幾子媳繼亡又撫孤孫坎坷淒涼年八十一卒

劉哲妻王氏二十歲于歸數月夫故家極寒氏不欲生轉念翁姑年高多病無人供養乃不死奉事庭幃孝道無愧撫夫姪承嗣教養兼至節孝卓著鄉黨咸稱壽五十八

吳永善妻華氏于歸數載夫故子僅二歲家貧氏矢志守節自食淡泊奉養翁姑務求甘旨至典衣鬻簪不吝教子甚嚴壽七十

三

王遵孔妻趙氏年二十五夫故無子女氏貞節自守孝事翁姑克

盡婦道撫夫姪若已出教養備至壽七十八

郭書楷妻高氏年二十四夫故子步雲方四歲事翁姑撫幼子孝
慈兼盡壽八十二

朱惠三妻某氏年二十一夫故子僅二歲氏撫孤守節孝事翁姑
里黨稱頌壽八十六

祁應科妻王氏年二十二夫故無子女氏堅貞守節翁姑老病奉
侍湯藥晝夜無懈翁姑歿竭力營葬艱辛備至壽六十歲

李東升妻顧氏年二十六夫故子女俱無氏立志守節奉事翁姑
克盡孝道翁姑歿喪葬從厚壽六十九

傅學文妻魏氏年二十六夫歿僅遺孤子立志守節堅貞自矢年
六十二卒

趙來成妻蕭氏年二十七夫故家貧遺子畏三氏誓志守節躬操
商水縣志

卷二十一 列女志

十九

井臼事邁翁衣食必親爲之教子從師勤紡織以供紙筆子有
過呵責不貸嘗訓之曰汝六歲失怙體又羸弱若不讀書出牛
馬之力食犬彘之食汝能堪乎吾縱乞討不肯令汝廢學汝其
勉之勿忘畏三志益勵早入邑庠惜捷聞而氏以病故年四十
有八畏三有品學服闋食餼已悲不逮養矣

谷東山妻史氏于歸四月夫歿勵志苦守事翁姑未嘗稍懈翁姑
歿竭力營葬隻身度日節益苦卒年六十三

王錦章妻陳氏年二十七夫歿姑素癡不解事氏侍奉不怠撫子
女成立婚嫁已完尋俱亡撫孤孫教之不事姑息年六十五卒

王振庸妻郭氏年二十五夫歿無子女矢志靡他以夫姪得福爲
嗣視若親生年七十五卒

王天錫妻張氏年二十七夫歿僅一女苦節是守女子歸孤身度

日以夫姪孫承嗣卒年八十

王道泰妻王氏年二十八夫歿矢志守節孝事翁姑慈撫幼子伶仃孤苦年七十三卒

張步武妻王氏年二十七夫歿勵志守節清操三十餘年卒

喬步瀛妻劉氏年二十三夫故孝翁姑和娣姒以夫姪爲嗣卒年五十八

趙明遠妻張氏年二十一夫故無子姑先歿幼叔明高方數歲翁天性倜儻鄉里有急難輒解囊助之氏操持家務撫育幼叔成立明高感其恩養終身敬禮之年八十三而終

曾豹妻李氏年二十二夫故子女皆無與夫弟同居和睦娣姒終身無間言年七十卒

王結實妻王氏年十七夫故一女翁姑祖翁皆在氏克盡婦道守

商水縣志

卷二十一 列女志

二十

節幾三十年鄉鄰稱之

孫澤遠妻李氏年二十五夫故守節子國珍三歲祖姑宋氏姑李氏年俱高氏獨力侍奉孝養無缺及歿經營葬具備極艱苦教子讀書成立年七十三卒

王選儒妻魏氏年二十六夫故一子又生遺腹子翁姑先逝隻身撫孤勤儉治家教子讀書力田二子亦克家

王中魁妻郭氏年二十三夫故無出一貧如洗堅守清節撫夫姪承嗣壽七十一

高孝妻李氏年二十八夫故清守苦節勤於紡織撫二孤成立壽七十四

王雨妻趙氏二十七歲夫故苦節是守孝事翁姑撫夫姪有恩年八十卒

郭路妻王氏年二十八夫故遺二子俊德俊軼氏孝事翁姑教子
慈嚴兼盡操持家務艱苦備嘗人稱其賢

陳宗典妻范氏三十歲夫故遺二子維一十歲維芝四齡氏孝事
翁姑及歿殯葬以禮撫二子成立壽六十卒

監生陳龍成妻孫氏夫故氏年二十六遺子僅數月撫孤守節孝
事翁姑內外無間言壽六十八

李流妻陳氏二十歲夫故乏嗣夫無兄弟念似續爲重勸翁納妾
從之後果生子翁姑歿夫弟尙幼氏撫養成立爲之婚娶惟家
道漸衰身雖凍餒而貞操益勵卒年七十八

王玉海妻苑氏年二十一遭髮匪亂家人先入寨夫獨後被執氏
登陴望見賊將殺夫號泣不已墮墻自盡死而復甦氏有娠鄰
婦勸曰汝身宜愛倘生男不絕夫祀功莫大焉徒死何益氏乃

商水縣志

卷二十一 列女志

二十一

止閱六月生一女氏日夜悲泣恨不卽死時夫弟玉璽方八歲
翁旋逝氏撫玉璽成室生子履祥玉璽尋歿兩世苦孀共撫一
孤女長適淮甯貢生胡文田履祥生三子又亡氏撫孤孫憂鬱
成疾卒年七十五

李泮妻郭氏年二十七夫故遺二女苦節是持嚴寒盛暑紡織不
輟及二女子歸氏孤苦無依年七十一卒

李方明妻苑氏年二十五夫故無子孤身無依紡織度日處之晏
如年七十四卒

李文義妻姚氏性極孝夫歿子幼翁姑衰老飲食供奉必親教養
孤子慈義兼盡子亦成立卒年七十八

李靜山妻傅氏庠生傅懷珍女三十歲夫故孤身無依冰操耿耿
卒年七十二

李子明妻萬氏于歸數年夫故以姑年邁忍痛奉養姑病篤氏齧肱肉烹以進病尋愈姑聞爲之感泣氏年八十二卒

陳培英妻劉氏二十一夫故一子八齡家寒甚堅守清節日夜紡織辛苦備嘗壽六十五

李方幸妻王氏十八歲于歸三載夫故子甫五月上有孀姑事之極孝姑歿氏益孤苦勸子讀書後入成均家漸富有壽六十七張朝玉妻馮氏年二十二夫故事翁姑養孤子艱苦備嘗子亦成立

孫廣業妻王氏十九歲于歸數載夫故無子女泣不欲生翁姑婉慰之以夫姪爲嗣撫之無異己出四十餘年內外無間言壽六十五

李東至妻王氏年二十五夫故子女各一孝事翁姑教養子女嚴

商水縣志

卷二十一 列女志

二十二

正有法及女歸男娶氏仍勤苦不倦

監生楊峻峯妻屠氏素明大義持躬謹嚴年三十夫故無子苦守清節撫夫姪爲嗣教之成名邑紳爲請旌表

庠生楊渭川妻王氏年二十二夫故矢志守節孝事翁姑理家勤儉待夫諸弟有恩拓產至數百畝皆氏內助之力年七十餘卒光緒二十九年禮部員外郎劉果奏請准建坊旌表

葉凌漢妻胡氏幼嫻女儀性端莊年十九于歸恪執婦道事翁姑定省無闕家雖素封自奉甚儉閱七載夫歿遺子海容尙幼含殮甫畢誓拚一殉屢經家人勸解不得死終不懌光緒十七年氏三十九歲卒計守節十五年翰林院庶吉士陳善同爲旌表許文起妻王氏年十八于歸越八月夫故翁姑早世祖姑老且病王侍湯藥滌污穢一身親之無怠志愛姪如己出平生未嘗有

疾言遽色年六十三卒

于萬來妻柰氏年二十五夫被匪擄不歸家貧無養備於李性勤謹寡言得主人歡服事四十餘年李家中落遺孤兒寡母自給維艱氏不取工資同主婦晝夜紡織以餬口撫幼主人如子姪或謂主婦曰于氏不取工資年已老恐一旦歿如該族訛索何氏聞之請辭主婦不許氏哭勸曰吾不忍以老朽累汝母子卽歸家勤苦自勵猶以鍼黹贏餘饋給主人數問疾苦壽七十餘卒至今李學孟歲時致祭並樹石墓側以表節義

李磊公繼室胡氏年十九于歸性慈祥孝順翁姑待前子若己出二十六歲夫沒守節養子成人同治十二年邑紳稟准旌表壽七十餘卒

岳佩玉妻趙氏結縵三月夫故守節盡孝數十年無違禮

商水縣志

卷二十一 列女志

二十三

岳廣玉妻張氏年二十九而寡二子長君試次君傑守節孝親撫孤成立娣姒無間言

李留公妻趙氏年二十五夫故家貧誓志守節以夫弟長子嗣教養有恩處娣姒族鄰甚賢人咸敬重年六十餘卒

李楊妮妻李氏年二十餘夫故矢志守節事翁姑至孝姑病氏晝夜侍數問欲食何物姑心煩漫應曰欲食汝肉氏不知爲亂命也退而私割臂肉作羹以進姑病尋愈姑查知問之堅不承認牽臂見血跡濺衣姑深感之

李維傳妻陳氏年二十六夫故一子尙幼依夫兄度日未幾分爨夫兄以產業三分之一與之氏亦不較茹苦飲泣撫子成人家道漸康壽六十餘卒

李文仲妻陳氏明大義十九歲于歸未三月夫故欲殉家人屢勸

乃止守節孝親復以宗祀爲念勸翁置側室翁納張氏連生二子長文法次文慰張尋歿陳撫二叔成立族人以文法子豔春承文仲嗣事陳孝順亦陳之德有以感之也壽七十八

任本立妻劉氏劉照鳳長女性聰慧幼讀內則列女傳等書十七歲于歸家遭捻匪焚掠一空氏典妝奩助朝夕繼姑性嚴氏承顏視志曲盡婦道卒得歡心本立病氏奉湯藥數年不懈年二十九夫故子二氏痛極死而復甦者再未幾翁姑相繼歿竭力營葬勤鍼黹操井臼家漸小康性喜詩書爲子延師課讀光緒二十九年禮部請旌節孝平生好善橋路廟宇皆有捐施尤好賑濟印送勸善諸書年六十餘卒

趙燿鑄妻邱氏年二十餘夫故子嘉樂嘉權嘉樂天氏悲痛過情未幾卒

商水縣志

卷二十一 列女志

二十四

李鐸妻朱氏朱志祥長女于歸三月夫故泣不欲生姑勸曰爾夫早亡命也吾豈不傷爾如死吾何依氏感姑言敬事無違克盡婦道服闋以疾卒年二十二以夫姪培震嗣

梁彥清妻韓氏性貞靜寡笑言年二十一夫故孝事翁姑翁嘗病氏手調湯藥晝夜不懈翁歿助姑營葬及氏病重危執姑手流涕以不得終養爲憾卒年三十有五

王明善妻劉氏年二十八夫故乏嗣家貧如洗骨肉盡喪氏茹苦含辛誓不改節年五十餘卒

李敦繪妻梁氏年二十六夫故貧苦異常糟糠藜藿恒間宿一食舊遺樓房鄰人願以良田易之氏曰此吾翁姑起居處也寧死不忍棄之晝夜紡織賴以自給年六十餘卒光緒末年旌表

彭雪妻魏氏年二十八夫故子三家貧無以爲養或勸再醮弗聽

未幾次子餓死長子亦死氏傭於人以養幼子卒得禋祀不斬年六十餘歲卒

李心公妻李氏二十二歲夫故無子家貧姑老勵志苦守勤紡織以供養十餘年無懈志姑歿葬具從豐以夫從弟子爲嗣壽七十四卒

李熱鬧妻尹氏年二十五夫故矢志靡他代翁姑操勞家政得堂上歡姑歿夫弟尙幼氏撫養成人平生莊敬嚴明老幼咸敬禮焉年六十餘卒

胡克純妻孫氏二十四歲夫故遺一女鮮兄弟氏侍翁姑敬事無違勸姑爲翁納妾從之後生一子三女衣服飲食悉氏操勞翁姑歿喪葬竭力又爲夫弟小姑營嫁娶始終不懈壽六十卒

胡存發妻趙氏年二十七夫故子女各一家貧以鍼黹爲生養弱

商水縣志

卷二十一 列女志

二十五

息成立年七十卒

王掄元妻王氏事姑善承意旨敬順無違年二十九夫故夫弟掄傑妻張氏于歸二載亦寡氏每勸張無過悲張終不釋年四十七卒命子書勤承嗣掄秀亦早世妻王氏年二十一氏以苦節相勉氏現年六十餘王四十六

劉甲辰妻蘇氏于歸後孝事翁姑克執婦道甲辰歿氏年二十八無出苦節自誓勤儉持家撫夫姪有恩姪輩亦愛之如母年六十餘卒

李凌閣妻李氏年二十夫故恪守閨門矢志靡他太守蔣以節持松筠匾額旌其門

張業曾妻張氏年二十一于歸二十三夫故與姑共處一室情同母女避髮匪亂顛沛流離視姑爲命姑患癱瘓手足俱廢四十

餘年左右奉養無間晨昏雖娣姒四人不假旁貸無子女以夫弟做曾長子暢爲嗣飲食教誨嚴若己出待諸子姪撫恤周至無何姑歿嗣子亦亡氏哀痛迫切遂至喪明媳熊氏克執婦道先意承志氏素不茹暈媳爲戒杯盤菜蔬一切茶湯務求精潔姑媳賢孝鄉里交稱

李仲曉妻李氏李渭公女年二十餘夫歿遺二子一女未幾長子松林殤氏痛夫悲子不數年亦亡

張稽古妻王氏王朝棟女二十七歲夫故無翁姑子女又乏戚族孤苦無依歸母家以鍼黹餬口無何母家盡亡或勸改適痛絕之有胞妹歸李姓憐之迎養焉氏助中饋紡織未嘗稍懈教養諸甥如慈母光緒三十年旌表節孝壽七十一卒

王學顏妻李氏性溫和寡言語二十五夫故孝事翁姑甚得歡心

商水縣志

卷二十一 列女志

二十六

處娣姒姪輩和霽慈祥族鄰欽佩七十六歲卒以夫姪黑爲嗣李平妻雷氏年二十餘夫故遺腹生子賓家貧無養氏憂鬱死王某妻李氏紹周祖母也年十九夫故子玉章孤苦無依母子相守艱窘異常娶媳生孫以延夫祀六十餘卒

胡萬賜妻徐氏年二十五夫故家甚貧一子方四歲有腿疾氏備嘗辛苦撫養成入壽八十二卒

朱一斗妻胡氏十八歲于歸二十二夫故無出以夫姪楊林爲嗣教養兼至守節五十餘年七十五卒

姜崇禮妻王氏十九歲于歸二十七夫故守節四十餘年六十九卒

李儒霖妻張氏二十四歲夫故無子女夫病篤曾割股和藥食之王化新妻顧氏性溫和嫻女訓十九歲于歸年餘夫故一女旋殤

氏苦節是守善事舅姑未幾姑逝夫弟俱幼撫之成立各爲授室勤儉持家爲諸婦先撫諸姪與女有恩壽六十九卒已旌鄉里匾其門曰苦節純孝

魏長庚妻傅氏夫故一子甫八歲家中落告貸無門饑寒甚或憐其苦諷之氏曰頭可斷節不可移若去魏門豈人類乎織紡苦度撫孤成立家業復興年七十三卒

蘇瑞林妻孫氏年十九于歸越三載夫故無子痛欲殉又念翁姑年邁無依勉自活矢守貞節家貧田僅數畝紡織度日嗣子宗堂尙克家氏卒年五十七

王某妻范氏王學禮姪婦年二十夫故守節

曹鳳山妻王氏年二十夫故子女俱無節孝兼全

張會妻王氏結縲三載夫故守節孝慈並著

商水縣志

卷二十一 列女志

二十七

王某妻劉氏性貞淑結縲未幾旋失所天事姑不假婢女撫孤成立夫從姪棠早失怙恃撫養如己子學憲潘以節孝雙高旌之趙爾楨妻袁氏年二十八歲夫故三子均幼氏痛夫憐子不數年亦卒年三十餘

時兆明妻魏氏年二十八夫故無翁姑子女和睦娣姒撫諸姪如己子性勤儉善理家政鍼黹紡紝晝夜不懈年五十七卒以胞姪升堂嗣

張廷楹妻郭氏二十二歲夫故子然一身無期功強近終日勤儉守節四十年卒

郭芳臣妻趙氏二十九夫故翁姑年老奉事維謹無子女賴紡績度日六十二歲卒

李中峯妻郭氏于歸年餘夫故守節自矢撫夫姪爲嗣苦節三十

七年

沈常德妻趙氏常德故氏二十五耕讀教子紡績持家清操三十餘年

符文碩妻黃氏年十八于歸三十歲夫故遺腹生子事哀翁繼姑以孝撫孤成立苦守冰霜垂二十年

孫廷妻王氏年十五適廷廷歿無出家貧苦氏勤紡織孝事翁姑翁姑歿拮据營葬

張鰥妻唐氏年二十九夫故家貧如洗氏事老撫幼紡績度日苦守四十二年

庠生王東芳妻李氏夫故僅一女氏勵節事翁以夫弟東陽子爲嗣女適李早歿撫外孫成立守節三十五年

王長有繼室趙氏年二十八夫故無出撫前子成立事翁姑生養

商水縣志

卷二十一

列女志

二十八

死葬無不如禮守節五十三年

王學曾妻趙氏年二十七學曾歿無子女氏冰霜自勵壽六十六劉大閣妻張氏夫歿遺一女氏誓苦守事姑無忤守節五十八年

胡乾臣妻王氏年二十二夫歿子貞典僅二齡稍長教之嚴事姑孝貞典繼娶李氏生二子病歿李年二十八王撫孫存龍存鳳

成立姑娘共勵苦節王壽七十四李現年七十六雙節

李大明妻張氏幼讀書明大義温恭淑慎二十二于歸數載夫故貞操自勵孝事翁姑歷久不懈平生喜與人講聖諭並貞節事

壽七十一

王學顏妻李氏十九歲于歸年餘夫故一子早殤氏苦守冰霜孝事翁姑撫夫姪爲嗣守節四十餘年

李煥章妻訾氏二十六歲夫故勤儉持家撫子成立卒年八十

王黑妻時氏年十六于歸二十二夫故矢志靡他勤儉持家田產日增以夫姪爲嗣清節六十年

王敬安妻李氏年二十六夫故誓志苦守事姑克盡婦道守節四十七年

王二科妻李氏年二十七夫故子甫周歲撫育成立苦節四十二年

常二科妻王氏年二十一夫故守節勤紡織以事衰翁撫夫姪爲嗣壽七十三

趙宗文妻劉氏年二十七而嫠撫弱子事衰姑以賢孝稱娣姒和睦勤儉相率產業大增教子成名壽八十六

王留妻胡氏二十八歲夫故撫夫姪爲嗣壽六十餘

武生程振武妻趙氏早寡二子世興世法甫婚娶世法又亡氏與

商水縣志

卷二十一 列女志

二十九

媳高氏共勵清節趙壽八十餘

監生程布文妻葉氏庠生泰然姑母年二十四而寡遺腹生子氏冰霜苦度孝事翁姑撫子成立壽八十餘

雷羣柱妻張氏年二十二夫故紡績爲養撫子成立壽六十歲

雷來全妻程氏年二十四夫故撫孤騰雲成立備嘗艱苦守節五十餘年壽七十九騰雲性至孝痛母劬勞竟以哀毀卒母節子

孝萃於一門

顧清妻胡氏年十九適清時值捻匪猖獗六閱月清出亡不歸家赤貧勵節苦守養葬翁姑待夫以終壽七十一

顧全來妻張氏值捻匪亂夫殉父難氏年二十一子甫三月賊退氏收翁與夫屍葬之家貧苦守撫孤成立守節五十餘年

顧慶雲妻劉氏性溫柔于歸二載夫故無出勵節苦守越數年夫

弟清高始生未幾姑歿氏事衰翁撫弱叔教養成名苦節四十餘年

顧希賢妻王氏夫故矢志靡他紡績度日清節三十餘年

趙萬福妻周氏少寡子天佑尚幼氏苦守清節子稍長命從學勤紡績供筆墨費教子天佑成名壽九十一

趙萬琇妻安氏年十九于歸數載夫故二子德本四齡天良二歲姑殘邁氏孝事慈撫備歷艱辛年四十餘以節終

李應海妻王氏二十三歲而孀孝翁姑撫夫三歲姪爲嗣教子成立清節垂四十年

魏鳳塔妻徐氏年二十四寡無子女苦守近五十年而卒

趙漢妻彭氏漢歿氏二十二子女俱無有欲奪其節者氏誓死不從撫夫弟某成立娶某氏尋寡有一子氏愛如所生兩世撫孤

商水縣志

卷二十一 列女志

三十

艱苦備嘗守節垂五十年卒

黃景泰妻韓氏年二十二寡翁姑俱衰家貧資紡績奉養翁姑歿竭力營葬守節五十餘年

張萬妻楊氏夫故子甫七齡值捻匪亂氏撫孤流離備嘗艱辛卒延夫祚家業日增年六十三卒

趙好妻魏氏于歸未幾夫遭髮匪亂死於外僅一女氏於流離中紡績苦度撫孤女成人壽七十以節終

楊萬盛妻史氏年二十五夫故撫子成立娶媳王氏子又亡姑媳共撫弱孫成人史氏六十四王氏七十四卒

節雙

楊凌雲妻程氏生子甫三歲夫故撫孤成立孝事翁姑養葬盡禮守節五十年

張明妻王氏二十五歲夫故家貧以紡績爲養二子相繼殤氏瘞

滄獨立艱辛萬狀撫嗣子娶媳三日氏歿壽六十歲

韓妮妻張氏年十七夫故矢志靡他依姑爲命姑歿志益堅苦節垂六十年

楊如意妻朱氏年二十一孀家貧一女適人滄滄獨立紡績苦度以夫族姪秋爲嗣守節六十餘年

李懷仁妻顧氏夫故年二十一柏舟自誓事翁姑惟謹撫夫姪爲嗣守節五十餘年

李安邦妻劉氏年十九于歸六月而寡遺腹生女事翁姑孝家事躬親爲諸姪婦先撫夫姪爲嗣壽五十九

李龍文妻郭氏二十歲夫故貞節自守孝事翁姑撫夫姪爲嗣以終節

張金甌妻顧氏年二十二夫故無子以夫弟金桂長子爲嗣學憲商水縣志

卷二十一 列女志

三十一

何旌曰竹節霜清

胡克復妻張氏年二十三夫故遺一子旋夭氏矢志守節以夫弟克銘子爲嗣事姑曲承其歡姑嗜肉食每飯必具以進姑病侍湯藥數月不倦焚香祝天願以身代姑歿日夜悲泣每食供奉如平日憂勞成病自知不起整衣端坐三日神色如常瞑目而逝

張穴妻李氏年十九于歸三載夫故子女俱無氏堅志守節姑失明事之惟謹撫幼叔及姪孫輩恩誼備至年近六旬卒

王海妻郭氏年十八于歸九越月夫亡無出矢志靡他事翁姑孝姑性嚴且有瘋疾氏左右扶持十餘年未嘗少懈嗣子好智娶馬氏又早寡姑媳相依冰霜並著

蕭景山妻李氏庠生蕭東興之媳也年二十三夫故歷三月遺腹

生子氏孝親撫孤晝織夜紡勤勞一生以節終

李恒泰妻王氏年十八于歸二十四夫故矢志守節撫夫姪有恩
黃麻子妻段氏夫故守節家貧甚事翁姑撫子姪孝慈兼盡人無
間言

王廣聚妻支氏夫故家貧紡織爲業撫子德山及一女成立苦守
清節三十餘年

屈來妻姜氏夫故年二十八家貧子女四人守節五十餘年二子
國香國梁精痘疹科

司憑志妻董氏董訓女夫早世無子夫弟學志妻某氏亦早寡遺
一子氏撫爲嗣一門雙節事翁姑以孝聞雙節

杜錫照妻王氏年二十二夫故守節四十八卒

杜班妻韓氏年二十五夫故一子留柱氏事翁姑撫幼子節孝雙

商水縣志

卷二十一 列女志

三十二

全壽七十二

杜套妻王氏年十九夫故無子視夫姪捨如親生家赤貧清節度
日九十二卒

王體妻童氏年二十四夫故無子一女地僅三畝苦節自守卒年
七十五

李逢春妻許氏于歸數載姑與夫相繼逝氏年二十七無子忍死
守節孝事衰翁鄰舍夜不戒於火延及翁室氏驚起冒火入室
負翁出火亦遂熄翁歿竭力營葬卒年六十餘

王岐周妻許氏于歸十八日夫故矢志靡他守節三十餘載咸豐
九年卒

王鳳山妻孫氏結褵數載夫故無出矢志守節孝事翁姑處娣姒
和而有禮勤儉持家日與幼輩同操作終身如一日賢聲著鄉

里年六十餘卒

陳四喜妻鄭氏年十七于歸歷九載夫外出不返氏年二十有五生一子氏撫子待夫終無他志遭家多故不得已歸依母家資澣炊以養備極辛苦教子寶珊讀書長棄儒就商能自立業氏心以慰卒年七十餘

王興仁妻鄭氏童養夫家年十九成禮月餘興仁外出不歸氏日夜操作守節以待無異志事嚴姑曲意承歡又家況冷落歷盡艱辛志終不渝年七十餘卒

何振鐸妻顧氏年十八于歸三十夫故遺一子二女翁姑皆早世氏隻身無依勵志守節終無渝志值捻匪亂氏攜子女逃難備極艱辛亂平租圃種蔬資以餬口猶教子從師讀紡績所積作束脩費子如嵩入邑庠氏年七十三卒

商水縣志

卷二十一 列女志

三十三

武生劉國棟妻劉氏夫故三女皆幼矢志守節撫女成人賴鍼黹度日年五十九卒

姚文普妻王氏年三十夫故子三季子旋天撫二子成立終無他志二子均不肖氏竟失養年七十猶身市鍼綫以爲生

高夢魁妻黃氏年十九于歸翁姑俱逝夫故四日生一子氏年二十八念隻身弱息延父主家政父歿殮葬皆氏任之教子讀書後棄儒就商氏守節四十年卒

王萬義妻萬氏童養夫家年十七成禮二十二夫故無出以翁姑在堂立志守節勤儉自持娣姒無間言視夫姪女輩如己生以夫弟子承嗣氏年七十三卒

王尙儒妻劉氏年二十夫故守節五十年終始如一族人王祥五等請准旌曰巾幗完人

馬俊峯妻王氏年二十九夫故無出守節三十四年
馬俊秀妻宋氏年二十七夫故無出守節五十七年
王世昌妻馬氏年二十一夫故無出守節二十七年
梁應斗妻趙氏年二十一夫故無子家貧如洗時常斷炊苦守五十二年以節終

王純繼室劉氏年二十七夫故子二撫前房子原過所生計守節四十二年撫憲錢賜巾幘完人匾額旌其門

劉玉琦妻段氏監生同春母年二十二夫故家貧資紡織以養翁姑教訓幼子成立親族嘉其節孝爲匾額贈之

劉玉清妻任氏年二十三夫故守節教子同三成立處娣姒無間言

康自然妻喬氏年三十夫故守節孝親撫子成立年六十六卒

商水縣志

卷二十一 列女志

三十四

王會元妻李氏年三十夫故撫子成立處鄰里和睦年七十二卒

黃萬全妻王氏年二十四夫故一子西嶽翁姑先逝無近族可依

貧苦自守勤紡織教子讀書入庠氏年五十五卒

黃毓山妻朱氏年二十七夫故僅一女撫養成人孝事翁姑待夫姪輩如子年六十四卒

黃月明妻周氏監生登雲繼祖母年二十夫故姑患癱且失明常在牀褥氏孝養備至歷寒暑晝夜不倦待夫姪輩有恩族鄰咸稱其賢年七十卒

黃燦然妻魏氏年三十夫故守節盡孝人多稱焉年七十三卒

王啟祿妻柴氏年二十夫故無子苦節純孝七十五歲卒

王啟升妻郭氏年二十七夫故守節教子孝事翁姑七十八歲卒

王錫田妻趙氏年二十五夫故無子貞操全節七十二歲卒

王啟泰妻李氏年二十四夫故家貧以紡織養親年七十六卒
王貫一妻胡氏年二十二夫故姑失明三叔俱幼衣食冠婚皆氏
經理事姑終無怠志年六十四卒

徐郎妻高氏年二十六夫亡撫子成立娶媳董氏子又少亡董年
二十三姑媳共守鄉里咸欽其節高八十四歲卒董現年六十

三節雙

監生徐九成妻趙氏年三十夫故無子貞節自守六十歲卒

徐文妻楊氏年二十六夫故撫子成立年七十五卒

王妮妻蘇氏年二十一夫故無子苦節終身卒年七十

徐心妻王氏年二十五夫故撫子成立娶媳趙氏子又亡趙年二
十二孀苦同守姑媳各壽七十歲卒雙節

馬某妻張氏年二十二夫故無子以夫姪鳳鳴爲嗣貧苦自守壽

商水縣志

卷二十一 列女志

三十五

七十四歲卒

王方田妻楊氏年二十四夫故無子孤孀苦節卒年五十五

王蘭崇妻王氏汝恭母年二十一夫故教子成立年六十五卒

竇萬興妻王氏年二十夫故守節年六十五卒

郭丕成妻李氏年十九于歸半載夫故矢志靡他以夫弟庠生丕
顯子建中爲嗣愛若己生丕顯主持家政氏未嘗干娣姒和睦
愛諸姪女如己生妝奩多氏爲助年七十三卒

雷泮林妻郭氏武庠生郭虎翼女年十九于歸善事翁姑賢孝聞
於閭里越三年泮林歿遺二女長僅二齡次未彌月氏苦守矢
志靡他後翁娶側室生一男翁尋卒氏奉度姑無稍違撫夫弟
成人教之讀書夫弟感激故事氏如母焉氏于民國五年歿壽
五十

周熱鬧妻楊氏十九于歸甫二載夫被捻匪擄去氏封髮待歸後無音耗有勸其再適者氏仰天號泣苦守終身

監生文玉輝妻許氏年二十二夫故孝事翁姑撫養孤子成立年七十八卒

文方泰妻明氏年二十五夫故孝事翁姑終身不怠年七十五卒
監生王士操妻陳氏年二十八夫故守節盡孝終始無二子成德入國學里人公送節孝匾額

翟萬靜妻任氏夫早死守節六十餘年光緒丙子郡守蔣以松貞柏壽旌其門

高某妻胡氏夫歿氏年二十餘子大壽尚在抱家貧無以自立族無賴私謀嫁之車馬夜至門氏覺攜子潛逃往依母家紡織撫孤子長以負販爲生勤儉所積漸致小康課諸孫讀書八十餘

商水縣志

卷二十一 列女志

三十六

孫開泰勒石以表其節

張龍妻王氏夫故苦節自守四十餘年

王貨妻高氏于歸三日夫歿守節以終

張景和妻王氏培仁母年三十夫故守節育子孝敬翁姑年七十
三卒

張林森妻胡氏年十九于歸越歲夫故貧苦勵節孝事舅姑撫夫弟瀛海子有恒爲嗣娶李氏有恒又亡遺腹生子鑫之姑媳共撫遺孤胡壽七十八李已守節五十四年

雙節

溫長有妻李氏年十九歸長有恪盡婦道長有失明且貧氏不爲嫌年二十五夫故翁姑早逝無子女翁有義子長發氏往依之矢志堅志助妯氏治衣治食不辭勞瘁年五十六完節以歿
程鐵理妻連氏年十九于歸三載夫故一子家貧甚氏典嫁衣以

葬光緒三年歲饑紡織度日永無他志教子全興成立家漸小
康

賈廷妻劉氏二十歲于歸年餘夫故家貧苦氏冰操自誓孝事翁
姑及歿竭力營葬撫夫兄子爲嗣勤儉持家苦節三十餘年

惠悅妻杜氏二十七歲夫故守節勤儉持家事翁姑孝撫弱孤泰
喜泰金成立泰喜入庠泰金亦克家苦孀三十餘年

趙君輔妻高氏二十夫故翁姑寢膳問視必謹及歿殮葬從豐六
十八歲卒

董克變妻楊氏二十一夫故事孀姑撫孤子孝慈兼盡壽八十七
劉君亭妻李氏二十歲夫故冰霜自勵孝事衰姑無稍怠家貧親
操井臼勤紡織撫夫姪爲嗣苦節六十餘年

邵金定妻支氏十九歲于歸年餘夫故苦守冰霜孝事舅姑勤儉

商水縣志

卷二十一 列女志

三十七

持家爲諸婦先四十餘年未嘗稍懈

杜喜召妻王氏年二十二夫故無子女翁姑早逝夫弟尙幼氏撫
養成立爲之授室持家勤儉家道漸裕年七十一卒

石上清妻王氏年三十一夫故子二升雲七齡三才五歲家貧如
洗攜二子採薇而食晝夜紡績艱苦備嘗及子授室家道日興
氏壽踰八旬子孫繩繩四十餘口

王貨繼室雷氏二十四歲于歸三閱月夫故夫弟與前房子俱在
弱齡氏撫之成立各爲授室勤勞持家終始如一年四十六卒
李善繼妻王氏年二十八夫故遺二子一女苦節撫孤歷四十年
光緒二十八年卒

周琛妻党氏年二十五夫故遺二女氏苦節自矢撫女成人年七
十六卒

周琚妻王氏年二十七夫故遺一女及長適人氏煢煢孤守五十餘年壽八十四

李君普妻劉氏年二十夫故僅一女家貧勤苦自守資紡績以養翁姑翁姑歿竭力營葬氏壽七十餘卒

柴黑妻魏氏庠生魏文成女年十七于歸十九夫故僅一女氏苦節自矢母女相依爲命以夫從姪爲嗣娶媳未幾嗣子又亡撫孫成立兩世撫孤艱苦備嘗清節五十餘載

王大玉妻某氏年二十夫故遺一女家赤貧惡少屢欲奪其節氏嚴拒之彈綿度日孝事舅姑及歿竭力營葬爲女擇嫁苦守三十餘年

周聿新妻劉氏年十九適聿新夫故年二十七遺腹生子憲章氏守義不變孝事舅姑撫弱子成立勤儉持家溫柔賢淑爲閨閫

商水縣志

卷二十一 列女志

三十八

式年七十七卒

袁廷林妻張氏二十五夫故二子尙幼氏內外兼理教子成立家業倍增壽七十五

監生侯振剛妻陶氏振剛早死無子父母垂老弟在弱齡陶承夫志苦守事親克盡婦道撫夫弟成室生子紹斌夫幾未弟又亡氏撫姪成立壽六十八

惠明德妻雷氏年二十四夫故一子泰祥氏苦節奉親教子極嚴泰祥早年入庠以承父志氏守節三十餘年卒

惠榮妻李氏十九歲夫故子泰來方在襁褓氏撫養成立娶媳楊氏生孫而子復亡氏與媳共撫弱孫育養成人姑媳同勵清節艱難萬狀壽均七十餘雙節

邵漢妻馮氏十九歲夫故苦守冰霜善事舅姑以夫姪爲嗣撫之

有恩內外經營皆氏任之清節垂四十年

邵書妻田氏年二十二夫故家貧如洗氏傭身自養苦節能貞年四十餘卒

邵繼先妻王氏早寡子幼氏家教極嚴子早成名卒年六十餘
郭宏聲妻張氏年二十八夫故子應林方四歲薄田數畝氏苦節自勵晝佃夜績寒暑無間及子成立家漸豐饒孫天祥列成均享壽八十一歲

朱廷獻妻李氏二十六歲而寡遺一女氏念夫無兄弟翁逝姑老
祖翁年近八旬步履維艱無人奉侍勉力支持左右就養未嘗有缺清操五十年無間言

周紹才妻駱氏童養夫家年十八加笄越六年夫故遺一女方在
抱翁姑以家貧無養恐氏不能終守氏瀝血自誓之死靡他紡
織奉親不稍怠翁有宿疾氏奉翁赴周口就醫親調湯藥翁竟
不起市棺以殮引紼歸葬號泣四十里路人無不感歎稱爲孝
婦姑以壽終女長適人氏益孤苦就養女家於翁姑歲時祭祀
仍無缺焉

魏文魁妻周氏于歸一載魁死父母哀其少勸令再醮氏曰婦人
之義守一而終詎可事二人耶父母成其志無復言代夫奉親
克盡厥職處娣姒能和壽七十三

王恩妻顧氏年二十八夫故家貧如洗氏苦守冰霜孝事衰翁撫
二女成人善處鄰里人皆欽其節卒年五十餘

程山妻張氏十九歲夫故遺腹生子氏忍死撫孤家貧如洗彈綿
度日事衰翁孝養備至撫子成立艱苦備嘗卒年七十二

蘇景廉妻陳氏夫故氏年二十二子芳林撫之成立娶郭氏未幾

芳林又亡郭年二十姑媳相依冰操共勵同治七年同旌
賀瀛洲妻劉氏年二十一夫故無子女孝事翁姑和睦娣姒以夫
姪爲嗣恩愛如親生卒年六十

馬狗娃妻文氏年十八于歸未百日夫故氏椎心泣血曰吾非不
欲死以翁姑年邁家道貧寒吾死二老將誰依乎遂竭力奉事
紡績度日翁姑皆以天年終氏壽七十七

李皮條妻張氏夫故氏年二十二子二氏忍死撫孤家貧勤於紡
織奉養翁姑以終天年教二子成立孝慈兼盡

許本善妻張氏夫故氏年二十五子女穉弱家又貧苦資紡織以
養年五十餘忽失明幸子公平夫婦賢孝朝夕奉養壽七十二
卒

劉安仁妻蘇氏年十八于歸二十二夫故無出氏素明大義誓勵

商水縣志

卷二十一 列女志

四十

冰操事翁姑最孝處娣姒以和翁姑有疾親奉湯藥未嘗有違
親鄰有難助以升斗無吝色以夫姪甲辰爲嗣待之有恩卒年
七十五

高萱芳妻蕭氏年二十四夫故子女皆無冰操自守孝事翁姑以
夫姪爲嗣年五十七卒

謝應位妻趙氏年十八于歸二十四夫故遺一男一女氏冰操自
勵孝事翁姑撫子永貴成立氏七十二卒

謝應陶妻史氏年十九于歸二十八夫故無子女家貧苦節自守
孝事翁姑終身不怠勤織紡儉於自奉以夫姪爲嗣八十一卒
謝會川妻李氏年十九于歸二十六夫故無子女清操自勵善事
翁姑翁姑病親奉湯藥未嘗離側持身以禮四十年間玉潔冰

清

張月林繼室王氏年二十六夫亡安貧守節晝織夜紡以佐家用
前室子含章爲貧廢學氏勸曰汝當專意讀書家務吾自理之
汝勿爲內顧憂含章益奮於學十六歲入庠旋食廩餼壯年卽
貢均氏晚年曾元繞膝六世同堂壽九十八

監生李青山妻史氏十八歲適青山生子一青山故氏年二十九
矢志守節家計淡泊事孀姑撫孤子備歷艱辛治家勤儉及子
成立家業小康本集鐵佛寺每當冬令乞丐多止居焉或遇雪
不能外出氏必命僱工送柴米天晴方止如是數十年至於助
葬助娶計十餘家光緒三十四年卒壽七十六邑紳公舉禮部
郎中王士傑奏請旌表

謝某妻李氏年三十夫故子德成方弱齡氏矢志守節日夜紡織
教子入武庠氏壽七十二

商水縣志

卷二十一 列女志

四十一

史廣明妻王氏年二十八夫故僅二女氏痛欲殉念翁姑在堂事
奉無人節哀盡孝一日翁中飛毒兩肘糜爛氏不畏傳染日進
湯藥未嘗廢離月餘翁歿姑亦旋逝竭力營葬撫夫從姪廷輔
爲嗣卒年六十二

謝恒明妻李氏年十六于歸僅六月夫故矢志苦守歷久彌堅卒
年七十五

史宗智妻朱氏于歸十月夫故冰操自勵孝事翁姑嗣子方五歲
撫之成立勤儉持家守節五十餘年

史敬舒妻王氏年二十七夫故子方彌月矢志守貞清操凜凜上
事下撫交盡其道紡績維勤盛暑嚴寒未嘗或息清節三十餘
年

史容舒妻許氏年三十夫故無子撫夫姪爲嗣艱苦度日性嚴整

教子不事姑息處娣姒以和始終無間清節三十餘年

王成然妻何氏年二十夫故無子以死自誓翁姑多方勸諭乃矢志守節事翁姑定省無缺苦守十餘年完節以終

王化明妻高氏年三十夫故遺一子氏矢志守節子又殤紡績度日終無二志晚年失明行乞以餬口卒年八十三

蕭二煥妻屈氏于歸月餘夫故苦節自矢撫夫姪峻嶺爲嗣興家立業皆氏之力清節五十餘年壽七十三

鄧收妻王氏年二十六夫故遺二女誓死不嫁事親以孝以夫姪運至爲嗣苦節三十餘年

張永泰妻徐氏年二十餘夫故念姑衰老無依忍痛養姑以天年終氏痛苦致疾數月亦歿

監生許國俊妻李氏年二十夫故無出守節三十年以夫姪蕙芳

商水縣志

卷二十一 列女志

四十二

兼祧請旌入祠

許弼妻王氏年十九夫故守節以卒請旌入祠

許國吉妻姚氏年十九夫故守節壽七十八以族姪玉莊爲嗣

許輩妻李氏年十九夫故守節子貫成立娶李氏生子萬貫又歿
姑媳相依撫孤及萬成室未幾又亡無子三世孤孀宗祧竟斬

時人哀之輩妻李已請旌入祠

節三

王烈妻周氏年十九夫故無子貧無立錐地賴有夫弟相依矢志苦守常傭工於人夫弟生子宗祧有託氏所積金悉歸焉卒年

七十四

王某妻王氏監生王廷相之媳也夫故守節同治八年入祠

王某妻王氏東瀛繼母夫故氏年甚少矢志守節年七十四卒

王某妻王氏年二十夫故無子且貧氏勵志苦守孝事衰翁人咸

頌之翁感其義欲爲請旌未果翁歿事中止

劉登雲繼室李氏年二十一夫故矢志苦守親鄰咸敬重之有妹孤苦無依招與同居擇配嫁之未幾氏歿

竇二和妻李氏年二十八夫故無子且貧苦節自守撫夫兄次子結實爲嗣尋亡苦節以終

仝憲章妻智氏淮寧庠生智惺然女年二十六夫故遺孤樂禮甫二齡氏忍痛撫孤艱難萬狀孝事翁姑終無怠志教子讀書援例入成均

王大會妻高氏結褵月餘夫故氏忍死苦守及二叔成室各生一子妻并亡氏撫其遺孤保愛備至卽以爲嗣二子亦孝敬如母年逾七旬卒

萬青林妻崔氏年十八于歸數月夫故誓無二志恪守婦道事翁

商水縣志

卷二十一

列女志

四十三

姑曲盡其孝翁年七十餘患癆喘冬倍甚非人不煖氏令夫弟姪爲之温被咸稱其孝

陳效孔妻支氏天性温和夫故無子撫諸姪肫懇如己出以三門子興賢爲嗣氏年過八旬猶恪守女範不輕出門清操以終

崔振鐸妻郭氏性賢淑明大義年十七于歸月餘夫故未幾姑歿翁衰氏朝夕飲泣且以似續爲憂勸翁繼娶翁從之繼姑來三月而翁又歿氏哀毀逾禮繼姑性近癡遺腹生子氏代撫之便溺親爲洗滌兼操家務及夫弟成立家道以臻小康翁從兄弟四人皆乏嗣賴氏守節全祧諸門血食不絕氏之功亦偉哉

吳祥泰繼室李氏年十九于歸性勤儉祥泰因訟蕩產氏屢爲勸戒不聽祥泰歿氏年二十八僅一子令從師讀書氏勤儉持家置田百餘畝且好善樂施卒年五十五

王兆祥妻汪氏年十八適兆祥八年夫故姑喪明氏先意承志捧席進盥十餘年如一日以夫弟子觀濤爲嗣撫養教誨入庠食餼氏年六十六卒

王樹妻田氏田榮先女于歸三年夫亡氏青年守節孝事衰翁始終不怠翁故又孝養生母勤儉度日晚年衣食益困年七十三卒

王奉先妻王氏夫早故僅遺弱息氏守節撫孤夫弟榮先年少不謹致家中落氏無怨言親族不忍坐視勸與析居氏涕泣曰翁姑既歿又無遺命與叔分居情何忍言榮先亦甘分析各立門戶未幾家產蕩盡氏憫其困苦召至家供給衣食命子孝養人咸欽其賢壽七十餘無疾而終

史羅妻郭氏于歸三月夫故家貧苦氏冰操自誓孝事翁姑以夫

商水縣志

卷二十一

列女志

四十四

姪榜名爲嗣守貞全桃年六十九卒

許國徵妻康氏年二十五夫故女三歲子未三月氏上事下撫紡績井臼皆身親之翁姑歿喪葬以禮撫子女成立子光明入成均有孝行氏病光明禱於神願減已壽以益親氏年七十餘無疾而終

李天成妻張氏年十九于歸克執婦道越六年夫故子安行甫彌月田僅數畝衣食弗贍氏甘貧誓守勤儉自勵日夜紡績以助饗餐事嗣姑孝同治二年避難龍塘河寨寨潰姑溺死賊退倉皇營葬子長使就傅讀書孫曾林立壽七十三卒

鄧留成妻胡氏年二十二夫歿無子立志守貞之死靡他姑年邁竭力供養處娣姒能得其心撫夫姪鳳苞延夫嗣教之成立白永興妻郭氏于歸年餘夫故氏念翁姑年邁誓代夫養親未幾

遺腹生子士亮零丁孤苦撫之成立且教之讀書以振家聲卒年六十二

王瑞章妻舒氏于歸數月夫故無子矢志靡他未幾姑亦歿遺穉甫週歲氏撫養成立事翁數十年鄉黨以孝稱

雷玉柱妻王氏王立剛女年十七于歸十九夫故無子女孤身奉事重闈無缺禮及夫弟成室諸親相繼棄養氏連營四喪力甚拮据未幾夫弟又歿遺子女撫育有恩一生艱苦備嘗節操益堅五十餘年如一日

王守仁妻党氏党喬齡女年二十八夫故子振彩方三歲女十齡舅姑在堂氏上事下撫孝慈兼盡堅白之行鄰里交稱年八十六卒

安孟冬妻祿氏祿山女年二十夫故無子女苦節是守孝事舅姑

商水縣志

卷二十一 列女志

四十五

久而不懈以夫姪中天爲嗣舅姑歿以禮殯葬年六十五卒

劉毓賢妻李氏李全德女于歸未週年夫故無出立志苦守孝事翁姑積久不怠撫嗣子滿堂有恩舅姑歿以禮殯葬完節以終王泰順妻張氏年二十五夫故乏子一女尚幼氏冰操自勵勤苦度日以夫姪英才爲嗣壽六十九

訾寶賢妻周氏年二十二夫故二子尋殤氏性賢淑善奉舅姑舅姑歿盡哀盡禮壽六十四

顧昌泰妻王氏十九歲于歸年餘夫故子女俱無矢志守節事舅姑曲盡婦道夫弟二人方在弱齡氏撫之有恩以夫姪萬章爲嗣壽八十五

祝安雲妻周氏年二十四安雲被捻匪擄去不知死所子三華方在抱氏依居母家撫子成立娶顧氏未幾子又歿雨世孤孀苦

節共勵周壽九十一歲顧年六十六卒

雙節

石大河妻賈氏夫故氏年二十八苦節是守卒年七十二

附生趙爾彬妻李氏淮甯遊擊李鍾琇女喜讀書能詩善畫九歲入塾與講內則列女傳卽了了明大義性至孝母病嘗矢以驗吉凶于歸生三子二女夫故氏二十八欲殉以姑衰諸孤幼弱無依乃止事姑奉養無間姑病手調湯藥不離側歿葬以禮教子督課甚嚴家素封好施予族有女家貧不能養氏撫如已出置妝嫁之復教養傭婦王氏女工女紅嫁助以布帛故乳婦孫姓年老病危屢贍其家歿置殮具並恤多金又趙傭婦年老工刺繡侍久且賢其子孫生活全賴之歿爲營葬事舊有陸陳生理同事虧累數千金有願還半者不受焚其券崔某懷慶人病故爲置櫬並資其妻令歸葬嘗與故僕張百餘金使負販爲生

商水縣志

卷二十一

列女志

四十六

張以此欵成室不較其他姻婭族鄰婚喪無力者類爲資助有譏其待僕女過厚者曰彼無父母孤苦何忍薄之遇老僕尤有恩曰此事吾先人者家中落度用維艱氏刻苦自勵喜看名媛圖閨秀正始集日手一編時爲詩歌以抒積悶嘗謂婦女以鍼黹爲事此非所宜故稿多散佚歿後僅得竹窗詩草一卷畫宗南田工花卉翎毛尤長於蘭孀居後絕不臨池因未多見晚年多病壽五十七

袁金榜妻張氏年二十九夫故事衰姑曲意承志頗得歡心姑每對人道婦賢田僅數畝身兼耕織漸至小康教子廷臣入武庠壽七十六

王世金母王氏年二十三孀居守節上事祖姑孝敬無違二子教之耕讀人稱勤儉五十一歲卒

朱玉桂妻楊氏二十四夫故一子撫育成人教以義方壽七十六
郭芳名妻王氏十八夫故紡織度日守節不渝孝事翁姑養生送
死無少缺禮壽七十七

郭兆祥妻張氏二十四夫故事孀姑寢膳不離側一女訓以內則
五十三歲卒

郭海塘妻陳氏年十九夫故守節孝養翁姑翁年老卧病三年奉
湯藥不懈姑又病晝夜侍側數月而歿翁病轉危氏憂痛交迫
寢食幾廢翁亦旋歿竭力營葬後更孤苦卒年六十四

周瑞雲側室鄒氏年二十五夫故子在襁褓撫育成立事衰姑克
盡婦道勤儉持家田產豐裕壽七十七

趙臨海妻何氏年二十八夫故子數齡女在抱撫之成立男婚女
配操勞四十餘年壽七十二

商水縣志

卷二十一 列女志

四十七

劉傳妻王氏年二十四夫故僅一女矢志苦守及女適人氏更孤
苦年五十四卒

劉應海妻王氏年二十四夫故月餘遺腹生子家貧如洗績紡度
日撫子成立娶媳生孫氏仍操勞不倦年七十八卒

王秋妻任氏年二十七夫故乏子女家貧苦冰霜勵操年六十二
卒

趙戶妻王氏年二十六夫故子幼姑老勤於奉養孝慈兼全松筠
之節四十餘年壽六十八

喬興時妻張氏年二十八夫故子方幼弱撫子成立婚娶後氏仍
勤苦自勵壽六十一

屠公田妻徐氏年二十八夫故守節孝慈並著白帝河決施飯三
日蒙禮部詳請獎給節孝匾額光緒二十三年卒

屠硯田妻王氏年二十一夫故守節孝事翁姑蒙禮部詳請旌表
光緒二十五年卒

范廣禮妻王氏二十四夫故貧苦不堪節操益勵學政華獎給松
栢節操匾額

蘇嵩妻屈氏結褵三月夫故節孝兼全慈惠並著完節以終

張廷芳妻欒氏成婚半載夫故矢志守義孝事翁姑和處娣姒撫
夫姪輩備極恩愛守節數十年鄉里交稱

喬興旺妻李氏年二十六夫故家貧子六齡且病弱氏勤織紡冰
霜自勵四十餘年壽七十三

喬大妮妻王氏三十歲夫故子幼家貧氏勤勞持家及子成立家
業漸興諸孫林立卒年六十九

王純儒妻劉氏十九歲夫故矢志靡他苦守冰操孝事舅姑鄉里
商水縣志

卷二十一

列女志

四十八

仰之光緒二年匾其門曰苦節純孝壽八十二

曾傳禮妻李氏十七歲于歸踰年夫故無子女家貧氏矢志靡他
孝事舅姑壽七十四

武紹遠妻朱氏三十歲夫故女在襁褓氏苦節自矢事衰姑克盡
婦道零丁孤苦五十餘年壽八十一

屠雨田妻王氏年二十五夫故守節事姑極孝姑病百藥罔效暗
禱天地割肱肉烹調進姑姑病遂愈又好施濟白帝河決施飯

十日村前官道施茶六年光緒間蒙禮部詳請建坊旌表
郭口妻張氏年二十一夫故清節是守卒年六十八

閩廷秀妻李氏年二十五夫故子方二齡家貧如洗氏績紡苦度
撫子成立娶媳孫氏未週年子復天氏與媳煢煢相依共勵冰

霜氏年七十一卒孫現年五十

節雙

王心田妻冷氏結褵數載夫故氏年二十餘 子凌霄方四歲翁姑已逝事祖姑以孝聞時宗族多故外侮內憂氏孤身支持艱苦備嘗教子成立同治間學憲歐陽公獎以苦節純孝奉請旌表

李昶繼室鮑氏生一子應芳僅三歲夫亡氏年二十餘苦節誓守撫前室子應考如已出二子俱長應考力田應芳就商又好施濟遇人危苦無不傾囊以助壽八十三

張鳳五妻董氏年二十八夫故乏嗣孤貧無養寄居母家賴弟國勲養之終身以完其節

張廷榜妻王氏年二十六夫故貞節自守卒年五十五

楊詩妻姜氏年二十二夫故無出貧無立錐姑又衰老氏竭力供養苦不堪言葬姑畢遂自經年六十餘

商水縣志

卷二十一 列女志

四十九

支立賢妻胡氏于歸七月夫故守節艱苦萬狀卒年七十餘

馬銀妻石氏于歸十八日夫故年餘翁姑並歿止有夫妹相依貞潔自守始終不變卒年六十八

王自經妻蘇氏年二十四夫被匪擄遇害氏苦志守節紡織度日事翁姑克盡婦道年六十六卒

韓得年妻張氏于歸時得年已卧病月餘夫故貧苦不堪貞節自守卒年七十三

趙行章妻田氏于歸數載生子興志甫週歲咸同之亂夫被捻匪擄杳無音信氏撫幼子艱苦備嘗及子成立爲娶牛氏閱二年興志又歿姑媳同勵冰操田歿牛爲立碑墓前以紀姑德牛現

年五十八節 雙

劉世俊妻李氏生二子金峯金鏡夫歿子幼氏撫之成立不幸金

鏡夫婦俱逝未幾金峯亦歿媳朱守節撫孫清廉成人爲娶妻氏數月又寡一門三節共勵冰霜鄉里皆矜憐焉李壽七十五年八十

朱現年五十一節三

王方田妻趙氏性端嚴年十九于歸數載夫故無出矢志守節以夫姪凌雲爲嗣娶張氏凌雲夫婦皆孝二孫亦賢皆氏教也卒年八十

王昌妻陳氏昌故無子氏年二十家貧無養苦志守節日夜績紡手口拮据艱辛備嘗以夫兄子長文爲嗣壽八十卒

陳媽呼妻李氏年二十一于歸數月夫故無出痛不欲生翁姑諭曰妻從夫死固義奈吾老汝二小叔俱幼何氏遂不死孝事翁姑撫二叔成立後以夫姪爲嗣卒年七十八

王高糧妻李氏年二十于歸甫二歲夫故無出家貧甚氏集蓼茹

商水縣志

卷二十一 列女志

五十

茶手口拮据曲盡婦道及翁姑歿竭立營葬以夫姪爲嗣卒年七十五

王金田妻李氏年二十五夫故家貧如洗苦節不二事翁姑撫繼子孝慈兼盡娣姒稱其賢壽七十三卒

王立虎妻賈氏年十九于歸越二載生一女夫故事翁姑極孝夫弟妻歿爲之繼娶所遺子女賈撫如已出以天姪肇斌爲嗣守節五十一年壽七十三卒

李東峯妻王氏年十九于歸夫病數月氏奉湯藥不懈東峯病劇謂王曰汝年幼我死必不能守願早適人王泣誓曰如有他志天必厭之言訖夫遂瞑目氏經營殯葬堅貞自勵壽七十三以節終

監生唐金亭妻李氏年十九歸金亭越數載生二女夫故上事翁

姑下撫幼女孝慈兼盡壽七十二卒

李某妻李氏夫於光緒三年販糧死他鄉氏年二十八事老翁撫幼子貞潔自守不苟笑言每見貧苦親鄰必施給粟米遇悍婦再三勸解鄉人皆稱其賢壽七十一卒

李彥輔妻某氏性端凝二十歸彥輔治家有法事上接下各盡其道越四載彥輔亡一子秉公甫二歲及長氏教之有方入邑庠卒年七十

王亂妻黃氏年十七于歸未幾夫故子女俱無家貧親老氏晝夜紡織以供甘旨及歿喪葬皆自經紀以夫兄子爲嗣氏卒年七十

柴俊峯妻王氏歲貢王鳳至妹幼嫻內則年二十歸俊峯甫一載俊峯病王衣不解帶藥必親嘗三十晝夜未曾稍懈俊峯病危

商水縣志

卷二十一 列女志

五十一

見王有從死志謂曰吾死汝殉義也但母寡弟幼汝死安依王忍淚曰夫且養病萬有不測妾自有以對夫勿過慮俊峯歿王遵夫言事姑益孝助撫二叔成立壽七十卒

沈圈妻趙氏于歸數年夫故無子守節事翁姑以孝聞卒年七十歲

黃照妻楊氏十九歲適照年餘照卒翁姑早歿又無子女氏呼天號泣曰吾何生爲奈老母在堂宜慰其心忍死度日苦節自守卒年六十五

倪延壽妻趙氏年二十一夫故孝事翁姑三十年如一日卒年六十五

李炳穎妻王氏十九歲適炳穎越五載夫故無子家貧氏晝夜紡績供養雙親親歿喪葬皆自經紀卒年六十三

李炳灼妻劉氏庠生李育萬孫婦年十九于歸克執婦道勸夫讀書越三載夫病侍湯藥無間晨昏灼病篤語曰我且死汝宜守家規氏拭淚言曰妾亦儒家女何敢違禮病中勿過慮如有不諱願代夫終養夫歿氏痛幾絕欲殉翁姑諭以大義乃忍死事親撫弱叔尤篤守節至六十七歲卒以夫弟炳哲子鳳翔爲嗣李映霞妻石氏溫柔恂謹年二十一賦桃夭二載夫故一子秉智氏貞節自持孝事翁姑撫孤子成立娶媳柴氏生一女而子又亡柴年二十二痛欲殉姑與祖翁姑苦勸柴意轉事重闈寢膳必親或卧病柴衣不解帶藥必親嘗未曾少懈石壽八十柴年七十有八

雙節

趙源泉妻高氏素嫻禮節年十八于歸逾年夫病氏躬侍湯藥數月不怠及夫亡欲身殉不得晝夜哭泣歲餘亦卒

商水縣志

卷二十一 列女志

五十二

李逢春妻劉氏生一女夫亡氏年十八姑老家貧無以餬口氏以刺繡傭工養老撫女苦守孀節三十餘年每與婦女談必引二十四孝故事以勗之

趙謙益妻常氏夫故守節學政何旌以節烈可風

趙淑度妻王氏夫故守節學政何旌以爲堅多節

趙起雲妻李氏夫故守節學政何旌以淑善其身

王結實妻葉氏二十六夫故子女尋殤母家勸改適不從謀已偕氏偵知以死自誓得免年餘以憂憤卒

李正朝繼室李氏年二十九夫故家貧苦守撫子女成人以節終李柳汁妻程氏年及笄于歸三載夫故僅一女姑早逝事翁如璧孝養無間初勸翁納妾翁歿遺腹生子數歲又殤氏與庶姑艱苦共勵後不克自給傭於人以養庶姑女適邑武生時睿堂以

姪運成嗣壽七十四

增貢王之弼繼室張氏性溫和事翁姑以孝聞之粥早逝氏年近三旬遺子女各一復相繼夭折庶子靈臺幼喪生母愛若己出撫之成立教養備至壽七十民國四年請旌鄉鄰又以苦節純孝匾其門

屠氏監生屠峯嵩女年十九適西華李維遜甫三月夫故痛欲殉翁姑苦勸乃抑情節哀強顏事親姑悲子成疾翁又患癱氏供旨甘奉湯藥年餘無間卒則殮葬從豐延戚族議以夫從兄子蓋公爲嗣又撫庶姑佟氏女教養周至年五十二以疾卒禮部奏請旌表同治癸酉陳州知府蔣以節光志乘表其門西平陳庭蘭爲立傳以褒之

以下邑女外適

趙氏趙天全女適淮甯監生李維憲爲繼室年二十九夫故無出

商水縣志

卷二十一 列女志

五十三

氏捐飾毀妝冰霜自勵撫前房子教養周至家中落氏持家勤儉業漸復長子選公入庠後夫妻俱歿諸孫男婚女嫁皆氏任之已旌壽六十二卒

智氏監生智術女適項城王心廣年二十七夫故事翁姑孝撫孤汝霖成立氏年五十八卒咸豐八年奉旨入祠

李氏監生李棟奎女適項城武生劉瑞徵爲繼室好文學通經史大義年二十夫故事祖姑與姑無違撫夫姪伯道爲嗣延師課讀擇族中俊秀者俾共學或代出脩金成全甚衆伯道弱冠補博士弟子員孫仲連仲選皆入庠猶好善樂施修永安寨劉埠口橋皆捐數百金年八十卒請旌節孝

李氏李林公女年十四適淮陽吳保才甫一載夫故依姑度日情若母女越五年姑又歿氏哀毀異常殯葬後孤身無依夫叔與

兄利其家財欲嫁之氏誓死不從常居母家鬱鬱以歿年二十四

李氏李云公女適淮陽于某早寡勤儉持家教子秉楷入庠現年六十歲

陳氏陳鹿鳴女年十九適西華李敦璇夫有宿疾奉湯藥甚謹一載夫歿痛不欲生翁姑苦勸乃止姑爲翁繼室所生子女多幼弱氏代姑縫紉撫育操勞備至得翁姑歡現年五十以夫胞兄敦琦次子正臣嗣

王氏王某女適原籍貴州解敬之爲妻敬之曾祖芳銘嘉慶間令商水卒於官貧不能歸遂家焉父濬思教之維嚴不幸早歿無子氏貞操自守孝事翁姑始終無違禮

趙氏趙合璧女年十八適西華張武忠二十五夫故事翁姑孝翁商水縣志

姑待如女與娣姒處中饋并日獨任不辭戚族恒稱其賢一子撫養成人諸孫滿前現年五十